



DRINK OP DE TOEKOMST



FINALE 25 JANUARI 2008
TOVERLAND SEVENUM


LIMBURGS
VASTELAOVESLEEDJES
KONKOER



Hint ►► Vormgeving]



Rabobank
Maashorst



Gemeente Sevenum



Dit weekend had nooit tot stand kunnen komen zonder de steun van de leden van CV Dun Ezelskop Sêrum, attractiepark Toverland, onze sponsors en alle vrijwilligers.

FINALE 25 JANUARI 2008
TOVERLAND SEVENUM

LIMBURGS VASTELAOVESLEEDJESKONKOER

't **L**imburgs **V**astelaovesleedjes **K**onkoer 2008



Vriedig 25 jannevarie 2008

Toverland, Sêrum (Sevenum)

Prissentasie : Gaston Jacobs

Samensjtelling : Jos Cremers, Stichting LVK

Ôntwerp : Gemma Verhaegh / 5 x 11 Sevenum

Drök : Van der Linden Drök, Gelaen



Het Limburgse volkslied

“Limburg mijn Vaderland”

Waar in 't bronsgroen eikenhout
't nachtegaaltje zingt;
Over 't malse korenveld
't lied des leeuweriks klinkt;
Waar de hoorn des herders schalt
langs der beekjes boord:

refrein

Daar is mijn Vaderland
Limburgs dierbaar oord!
Daar is mijn Vaderland
Limburgs dierbaar oord!

Waar de brede stroom der Maas
statig zeewaarts vloeit;
Weeldrig sappig veldgewas
kost'lijk groeit en bloeit;
Bloemengaard en beemd en bos
overheerlijk gloort:

- refrein -

Waar der vaad'ren schone taal
klinkt met held're kracht;
Waar men kloek en fier van aard
vreemde praal veracht;
Eigen zeden, eigen schoon
't hart des volks bekoort:

- refrein -

Waar aan 't oud Oranjehuis
't volk blijft hou en trouw;
Trouw aan plicht en trouw aan Geus
heerst van Zuid tot Noord:



Rob Zanders



Veuroord Veurzitter Sjtichting LVK



'Wae maken der eine betoverende finale van' zo hebben de leeje van de organiserende 'Carnavalsvereniging dun Ézelskop' os verzekerd. Want deze kier vindt de LVK finale plaats in Toverland in Sevenum. Ein biesongere lokatie wao men gewend is minse gastvrij te ontvangen. En dat zal zeker auch deze finaleaovund gebeuren.

Dun Ézelskop viert dit jaor heur 5x11-jaorig bestaon en besjauwd het as ein groete ier as gasthiever op te mogen treeje veur gans Limburg. Met de hoop en de verwachting det eederein 'Heej wil blieve plekke'. En gezeen de veurbereiding hebben wae dao alle vertrouwen in.

Wae zien der vreug bei deze kier. Begin december heet de hoofdjury op twee zaoterdagen alle 256 inzendingen beluusterd en beoordeild. Dao oet zien de 60 beste leedjes geselecteerd veur de halve finale. En eind december waas de ierste ronde van diezelfde halve finale al te beluustere op L1 radio. Zo vreug haaje wae het nog neet mit gemak. Zelfs de drukpersen moste aan het vreuge tiedstip wennen want het aafdrucken van de bonnen verleep in het begin neet vlekkeloos. Neettemin kosse alle problemen tiedig waere opgelost.

Het LVK bestuur wil gaer vernieuje wat neudig is en behaoje wat mot blieve. Darum is het reglement aangepast waodoor de kwaliteit van de leedjes mier telt dan de regionale aafkomst. Det betaekent det i.p.v. minimaal 5 leedjes er nau 3 leedjes per regio in de halve finale zitten en det bei de finale minimaal 1 leedje per regio steit i.p.v. 2. Wat hetzelfde is gebleeve det is het getal van 19 finalisten. En veur heur geldt wederom de LOG oftewel de Limburgse Olympische Gedachte en det is det mit mogen doon al ein fantastische ier is.

Veur het ierst deze kier is er auch ein aparte Belgische café jury tiedens de finale. De Belgische juryleden zien namelijk toegevoegd aan de regionale café jury's. Gouverneur Frissen heet same mit ziene Belgische collega opgeroope te streven nao ein 'Groet Limburg'. En het LVK heet dao nao geluusterd en besloote de jury's same te voegen.

Veul dank zien wae versjchuldigd aan de juryleden, de bonnentellers, de sjponsors, de plaatselijke organisatie, de radio- en televisiemakers van L1 en



neet in de letste plaats aan alle deilnemers. Hongerddoezenden kiekers en luusteraars kinne wer gaon geneete van echte Limburgse Volks Kultuur want det is de werkelijke beteikenis van het LVK.

Ich wins eederein eine heerlijke finale toe en alle finalisten veul succes. Wae zien der klaor veur. Het spel steit op de wagen. En wae hauwe wer op de kis umdet er wer veur de 32^e kier ein LVK finale is.

*Joep Verbugt
Veurzitter LVK*

Stichting LVK



't besjtuur beschjiteit oet (op de foto van links nao rechts):

*Jan Volleberg, John Habets, Hilde Bremmers, Bert Achten, Joep Verbugt, Elise van Wordragen, Erik Brouns, Stan Spauwen, Jos Cremers
(neet oppe foto: Ron Aspers)*

Postbus 1625 - 6201 BP Maastricht - e-mail: info@stichtinglvk.nl
www.stichtinglvk.nl - k.v.k. nr. 41071309 - bankrek.nr. 17.05.28.111



Veurwoord Ben Raedts, voorzitter CV dun Ézelskop



Op 25 Januari 2008 zal ut LVK ut Limburgse volk opniey betoêveren. Carnavalsvereniging dun Ézelskop oet Zaerum is ziêr veriêrd, in eur 5x11 bestoansjaar, dit groêtse liedjesfestival te môgen organiseren in de passende locatie: "Toverland".

55 Joar Carnaval in Zaerum is unnen hiêle mijlpoal. Dun Ézelskop mogt dan wal 55 joar oud ziên, ut is nog altiêd een laevendige club vur jong en oud. Veûl vrijwilligers zetten zich ut hiêle joar doôr belangeloos in vur de ganse gemeenschap van Zaerum. Un vereniging met 275 leden. Un dansgarde met 110 enthousiastelingen tussen de 5 en 20 joar oud. Verder een club oud-prinsen die in vol ornaat op alle activiteiten aanwezig en behulpzaam is.

As besteur waren we van meining det we an un dergelijk jubileumjoar un speciaal tintje motten geven. Wat zuy dur dan schonder ziên dan det ut LVK in os Limburgs derp Zaerum neêr zuy striêken? De bezeukers konnen dan op betoêverende wiêze det evenement ervaren in de toplotatie "Toverland". Gelukkig deilde ut LVK bestuur die meining.

Vanaaf det moment koôsten we met de organisatie beginnen.

Ge zut versteld konnen stoan van de ambitieuze wiêze woarop we de grote Magic Forest hal van dit pretpark hebben umgetoêverd tot ut ultieme decor vur ut Limburgs Vasteloavensleedjes Konkoers 2008. Det dit spektakel lêft binnen Zaerum, hebben we de afgeloêpen manden al ondervongen. In ut kader van ut jubileum woord un Zaerums Liedjes Concours georganiseerd. Lifst 22 liedjes van eigen bodem woorten gebôren en resulteren in un prachtige jubileum CD, en un aantal Zaerumse inschriêvingen vur ut LVK.

Ik bin dur van overtuugd dat Toverland vol lupt met miêr dan 3000 fistvierende minsen, die zich loaten verassen dor de sfeer. Ze zullen zich volop amuseren en mei sjoenkelen, en zingen met de 19 LVK finalisten. As veurzitter van dun Ézelskop wens ik alle deelnêmers veul succes.

Carnavalvereniging dun Ézelskop bedankt de Stichting LVK, L1, Toverland, de Gemêngte Zaerum en de plaatselijke organisatie van ut LVK 2008 vur de prettige maneer van samenwerken. Verder een woord van dank an de vrijwilligers die dor eur beydrage en inzet dit evenement meugelijk maken. Un evenement woar wey



as jubilerende veriêniging nog joaren met veul genoeg op trug zullen mogen kiêken.

Alaaf!

*Ben Raedts
Voorzitter CV dun Ézelskop*





Voorwoord Paul Mengde, Opper Ezel



Aan de bezoekers van Limburgs mooiste Carnavals-evenement,

In 2008 bestaat de Carnavalsvereniging Dun Ézelskop 5x11 jaar. Dat is een hele prestatie, omdat het niet zomaar een Carnavalsvereniging is, maar een van de grootste en actiefste verenigingen in dit mooie Ezelsrijk. Het bestuur van deze bloeiende vereniging zorgt er voor, dat de club dynamisch blijft en vooral de inwoners van het Ezelsrijk blijft aanspreken met een brede bezetting van het bestuur en de commissies en een grote diversiteit van activiteiten. Er worden ook dit feestjaar het hele jaar door activiteiten georganiseerd. Het grootste fenomeen van Carnaval in Limburg wordt dit jaar door Dun Ézelskop georganiseerd. De jongens en meisjes kennende is dat perfect gebeurd. Aan alles is gedacht. Eten, drinken en fijne muziek, wat wil een mens nog meer. Dus laat die dikke 3000 bezoekers in the Magic Forest van Toverland maar komen!

U zult de 19 finalisten van het Vastelaovus Liedjes Konkoer aan het werk zien. De finale wordt rechtstreeks door L1 uitgezonden, zodat heel Limburg kan meegenieten van deze mooie avond in een Sim Sa La Tastische omgeving. Net als voorgaande jaren zal het een carnavalesk en muzikaal feest worden, waarbij de ambiance van Toverland deze keer voor een heel andere ofwel betoverende sfeer zal zorgen. Carnavalsvereniging dun Ézelskop organiseert deze finale in samenwerking met Toverland en het LVK bestuur.

In dit overzichtelijke programmaboekje vindt U alle informatie die U kunt krijgen. Uiteraard wil ik in het bijzonder de sponsors bedanken voor hun bijdragen, zodat ook het boekje een mooie uitgave is geworden.

Het LVK zal bezoekers uit alle windstreken van Limburg naar het Ezelsrijk brengen. Normaal is Carnaval al een heel gezellig feest in dit mooie dorp, maar met het LVK wordt Carnaval 2008 onvergetelijk!

Alaaf!

*Paul Mengde
Opper Ezel*



Bel de Brandjwaer

Gezônge door : Zanggroep Hannen & Alt
Tekst : Arnold Wassen

Plaats : Roermond
Componis : Piet van Bree

Refrein Bel de brandjwaer, bel de ambulance
Want ozze Jan is mit ein sjemerlamp aan't danse
En al sjient 't eine kael wiej eine boum te zien
Hae kint baeter taeghe beer, es taeghe sjtroum, mesjien
Ich wil neet zegke, det zón luuj wiej Jan neet douge
Mer veer gunne hem DIT leech neet in de ouge

Couplet 1 Es Jan 't oppe heupe haet, den waert 't eine ramp
Den sjanp d'r zich van gekkigheid ein sjtaonde sjemerlamp
Den reup d'r, leve sjat kom höf de veut op.
Mer kindj, waat höbs doe altied sjone blome-heud op
Mer ozze kastelein dae reup den, Jan neet door
En wies den efkes later nao de tillefoon

Couplet 2 De brandjwaer-commandant dae zag toen, laot det lempke los
En es dich sjtrak die "werme leefde" doezjend euro kos
Den wèt-se good wo det aan haet gelaeghe
Doe hès van lampe, mer vandaag leeps dich d'r taeghe
En ouch al belle ze os noe nog hongerd keer
Veur zonne lampedanser komme veer neet meer

Couplet 3 D'r zoot 'n mager vruiwke in de kroeg, ze waas allein
Doe kôs häör røbbe tèle, det waas vel en det waas bein
't kindj droog ein verfoemfaajd blome-heudje
En ozze Jan dae kreeg kómpassie mit det bleudje
En wiej 't viéf minute later aan 'm hong
Kint geer waal raoje, waat det gans kefeeke zong.



De Sjöttermenie

Gezônge door : TRIO EIGE-WIES & VRÔWLUU

Plaats : Meerssen

Teks : Eric Charel Reck Jeuken

Componis : Eric Charel Reck Jeuken

Refrein

In de zomer bie de sjötterie,
in de winter mét de zaate herremenie,
Dat is veur luu hie oet 't Limburgs land 't leve,
't is oos ech es kleine poet al mét gegeve,
In de zomer bie de sjötterie,
in de winter mét de zaate hermenie,
Jao dit is ech van oos, dat is cultuur,
V'r zeen 't lendsje van de trômmelaere en van ammesjuur.

Couplet 1

Bie oos in de familie, veer zeen jhél muzikaal,
En es 't vastelaovend weurt, dan make veer kebaal,
Veer trékke door de sjtraote, de dikke zjiem veurop,
En tot 't weer esjgoonsdig is, v'r kome neet mjéh sjtop,
En es 't dan weer zomer weurt,
dan is de sjötterie weer aan de beurt!

Couplet 2

En weurt 't dan weer veurjaor, dan belt d'r noonk Sjeraar,
"V'r goon weer repetere, en de bölkes moote aaf " !!!
Dan kump 't exercere, zwâ same zie aan zie,
en door de sjtraot marsjere, in'n jhélle lange rie,
En es 't dan weer vastelaovend weurt,
dan is de zaate hermenie weer aan de beurt!



Dao zit meziek in

Gezônge door : Op Good Gelök

Plaats : Maasniel

Teks : Wim Kemp, Etty en Peter Willemse-Kemp

Componis : Wim Kemp

Refrein Noe heur dae klank, noe heur dae zank, wie vastelaovend det verlank
dao zit meziek in
Toet det de klok sjeit twellef oer, kraak in de zaal de ganse vloer dao
zit meziek in
Want óze Graad en zien Agaat,
det is ein duo van formaat
dao zit meziek in
Nemes angers kump d'r bie,
't is de kleinste hermenie
dao zit meziek in

Dao zit meziek, dao zit meziek,
in heel 't laeve mit dees daag
Van neutjes in de eurkes,
kriegs se kriebels in de maag
Meziek dao zit meziek,
noe loester good zo wie 't heurt
Zo wie meziek en zank
de vastelaovend altied kleurt

Couplet 1 Oze Graad is eine man, dae geweldig zinge kan
Van de wies brings se 'm neet, zink 't allerhoogste leed
Alle glaze gaon d'r aan, want hae zink wie ein sopraan
En as det dan geit gebeure,
reup d'r: "Mós se noe ins heure !"

Couplet 2 En Agaat det is d'r ein, det sjeit sjetevig op zien bein
Ouch al löp 't achteraan, guf 't goje ritme aan
Dreijt zien handj d'r neet veur óm, want 't sjeit de dieke tróm
En as det dan geit gebeure,
reup 't: "Mós se noe ins heure !"



Wazig he !!!!

Gezônge door : Sjapoo

Teks : Marij Gijsen-Verkoelen

Plaats : Kessel-Eik

Componis : Marij Gijsen-Verkoelen

Refrein

Zèk hûb ich dèt allein, dèt 't gèt wazig is?
Dèch alles döbbel zeen, of hûb ich dèt noe mis?
Maar ach wat maak 't oèt, 't kûmp toch hiej op neer
as ich alles döbbel zeen hûb ich ouch èns zoëvuul plezeer.

Couplet

Refrein 1

De raod van 11 is in èns mit 22 man
de prins is mit zien twiëje
nae dao sjanap ich èg niks van.
Ich zeen twië kasteleins en weit 't is gewaog
as ich aan ein van häör um nog zôn lekker pilske vraog.

Refrein 2

Ich loup de polonaise en 't geit wiej unne trein
maar waem haoj ich noë vas, ich zeen der twiëj naeve ein.
Kôm ich naeve de sjpeegel; den roop ich hiel bliej
wat fijn dèt geej der ouch ziet en weej zinge alle drij;

Brug

mit de vastelaovesdaag hûb ich 't altiëd weer,
dèt ut mich dazelt veur de uig, van al dae joeks en dèt plezeer



Wao is miene leeve?

Gezônge door : Twieje Kwart

Plaats : Tegelen

Teks : Peter Wim Jansen Janssen

Componis : Wim Peter Jansen Jansen

Refrein

Waô is miene leeve?
Waô is miene sjat?
Doënbeej of wiëd, de's net wat ich neet weit
Ich zeuk altiëd wao het nôw net neet sjteit
Waô is miene leeve?
'ch Heb euveral gezôch?
Maar as geej um dalik zeet
Zegk 't mich nag efkes neet
D'n daag dae deurt nag lang genôg

Couplet 1 Gaon we same oët, ich met mien maedje
Haet det lekker mienen erm gepak
Maar och, 't geit sebiet zien eige paedje
As ziene jas de kapsjtok haet gerak
Den dingk ich.....

Couplet 2 Kom ich den ein anger bruüdje taenge
Smoës ich gaer ens met zo'n leuke sjnoët
In alle iër en deug kump det gelaege
Maar neet zoë beej mien eige leeve broëd
Dus dingk ich.....

Couplet 3 Emus zag mich: ich zeuk nao de waore
Minnigein woort miene leveling
Nôw weit ich wie det zit, nao al die jaore
Ich zeuk um leever den det ich um ving
Toch dingk ich.....



Altied Vastelaovend!

Gezônge door : MisjMasj
Tekst : Ben Erkens

Plaats : Geleen
Componis : Ben Erkens

Refrein

Want ich h b altied vastelaovend gevierd
Dat blief ich doon, dat nump mich geine aaf!
Jao, ich h b altied vastelaovend gevierd
Dat is zoa sjoon, dao b n ich aan versjlaaf!
En es mich eine zaet: "Sjei oet, dat hoofste neet te doon!"
Dan lach ich 'm 'ns oet: "J ng, vang doe dich mer 'n hoon!"
Want ich h b altied vastelaovend gevierd
Dat blief ich doon, dat is mich v ol te sjoon!

Sjlotregel refrein:

Jao, dat blief ich doon, dat is mich v ol te sjoon!

Couplet

Altied Vastelaovend!

1)

Ich h b nog noaits in 'n vlegmesjien gezaete
Want  m te vlege b n ich 'n bietje bang
Ich h b nog noaits mit de keuningin gegaete
Want etikette dat doert mich v ol te lang
Ich h b nog noaits mit de nuje paus gesjpraoke
Dae goje minsj, nae dae zoog mich gaar neet sjtaon
Ich h b nog noaits good d'n draak mit get gesjtaoke
Toch is d'r ein denk, dat ich ummer h b gedaon!

2)

Ich h b nog noaits neet gesjoenkeld en gesjpr nge
Want ammesere dat zit mich in et blood
Ich h b nog noaits neet de sjlagers mit gez nge
Want dae meziek, och dae deit mich toch zoa good!
Ich h b nog noaits neet d'n optoch mit gelaue
Dat is en blif toch et sjoonste wat d'r is
Ich h b nog noaits neet get kwatsj k nne verkaue
Noe effe serieus...: Ein d nk weit ich besjlis!



Vastelaovend blif besjtaon

Gezônge door : Pieter & de Aajwiever vanne Ruiver

Plaats : Reuver

Teks : Pieter Classen

Componis : Pieter Classen

Refrein

Waem zorg d'r veur det vastelaovend altied blif besjtaon
En duit det gans allein
Waem haet det al die jaore mèt hieël vuuël plezeer gedaon
Hèlt vastelaovend oppe bein
As hae ze oet geit zeuke, wao waert den toch op gelet
Hae flöt ein vastelaovesleed, waem kreijt d'r mèt 'm mèt
Waem duit dit zoë altied en vindj det allemaol neet raar
Det is... Det is... Det is de ooievaar

Couplet 1

De ooievaar dae krieg zien pekske maar wat noe gedaon
En zónger navigasie is d'r toen op waeg gegaon
Hae haet toen det pakketje gans nao Limburg haer gebrach
Dao waert den ouch door mennigein mèt sjmart al op gewach

Couplet 2

Soms kiepert eine d'roet vèlt op zien köpke óngerwaeg
Ouch dae brink d'r nao hiej want ziene luiir mót toch laeg
Dae inne buurt bezorge en ich dink des doe um kèn's
Want dae waert later broëdspar of mesjien ouch waal 'ns prins



Ozze Nachtegaal

Gezônge door : Bedankt & Adieje
Tekst : Arno Op den Camp

Plaats : Gulpen
Componis : Arno Op den Camp

Refrein Jao ozze na-na-na-na-nachtegaal
Dae mak de ganse na-na-nach kabaal
En geet 'r baove oet zie daak
Dan höbbe ver 'm flink geraak
Jao ozze na-na-na-na-nachtegaal
Dae mak de ganse na-na-nach kabaal
En liek 'r onger zienge sjtek
Dan zungt 'r "Limburg is te gek!"

Couplet 1 Veer höbbe inge vogel in de kooi
Dae dreug die daag ein echte vaeretoaj
Hae zingt de vastelaovend aan ee stök
En vluug e weg dan kump e og wer terök

Couplet 2 En mit de karnaval dan kump e droet
Want door 't jaor kump hae zien kooi neet oet
En flöt e op de vrowluuj aan ee sjtök
Dan flöte die mit vasteloavend trök

**SCORE**

	Westelijke Mijnstreek	Hoofdjury LVK	
1. Bel de Brandjwaer (Roermond)			
2. De Sjöttermenie (Meerssen)			
3. Dao zit meziek in (Maasniel)			
4. Wazig he ! ! ! (Kessel-Eik)			
5. Wao is miene leeve? (Tegelen)			
6. Altied Vastelaovend! (Geleen)			
7. Vastelaovend blief besjtaon (Reuver)			
8. Ozze Nachtegaal (Gulpen)			
9. Kiek ens hiej! (Sittard)			
10. Vaaje in de boék (Reuver)			
11. Miene Prins (Hoensbroek)			
12. Gelache !!! (Venlo)			
13. Operetteketet (Susteren)			
14. Geef miech mer hoempapa ! (Maastricht)			
15. UT EI ! (Grubbenvorst)			
16. Wie zuus doe oet (Sittard)			
17. De waeg op heim aan (Hulsberg)			
18. De Kriebels (Venlo)			
19. Drök, drök, drök (Montfort)			



Kiek ens hiej!

Gezônge door : Mans Genòg
Tekst : Maurice Indemans

Plaats : Sittard
Componis : Thei Bormans

Refrein Kiek 'ns hie, kiek 'ns hiej noe kiek 'ns hiej,
Dae haet ze neit mee op ein rie
Kiek 'ns hie, kiek 'ns hiej noe kiek 'ns hiej,
Wie kump er dao noe weier bie,
Kiek 'ns hie, kiek 'ns hiej noe kiek 'ns hiej,
Dae haet de vastelaovend al in zien prie
Kiek 'ns hie, kiek 'ns hiej noe kiek 'ns hiej,
Dae haet ze ech neit op ein rie.

Couplet 1 De vastelaovend is sjus veurbie
Dan bedenk ich ein nuuj millodie
De note zèt ich op ein rie
Dan heur ich in gedachte al de hermenie
Dan ruip Merie doe höbs ze neit mee op ein rie
De vastelaovend is nog lang neit hie.

Couplet 2 In de optochhal dao is noe gèt oet
De sjoonste wages waere dao geboewd
Eine kop mit eine gekke sjoet
Dan loup ich in gedachte al d'n optoch oet.
Dan ruip Merie doe höbs ze neit mee op ein rie
De vastelaovend is nog lang neit hie.

Couplet 3 Drie daag langk blees hiej de hermenie
Ze blaoze dan hun eige pertie
De note sjtaon neit op ein rie
Dan heur ich in gedachte al mien millodie
Dan ruip Merie doe höbs ze neit mee op ein rie
De vastelaovend is noe toch al hie.



Vaaje in de boëk

Gezônge door : Det mótt kenne
Tekst : Arnold Wassen

Plaats : Reuver
Componis : Arnold Wassen

Refrein Ich hób gén vlinders in de boeëk, maar vaaje....
mien vlinders vlooge weg.
Maar as d'r maedjes zien die vööl van vaaje haaje,
den kenne die bij mich teréch.
En as ich merk des doe get zuus in mich,
den bön ich vaaj veur vaaj van dich.
Maar Lieve sjat onthaa, de sjönste vlinder waerdt ein vaaj.
De sjönste vlinder waerdt ein vaaj.

Couplet 1 Mien vlinderkes van vreuger zijweve örges door de löch,
ich bön ze door de jaore haer verlaore....
men haet d'r bij de goude tip nag efkes nao gezôch,
maar nemus wet wat van ze is gewao-ao-re.
Jao, veur eine vlinder kwame kladderdaats,
twieje laeves groeëte vaaje in de plaats.

Couplet 2 Ich bön in miene jônge tiëd prins Carnaval gewaes....
met vlinders in de boeëk zoë groët wie veugel.
Ich zeen waal:"zag de vors des doe 't flink te pakke haes
maar wasse duis ken net nag door de beu-eu-gel".
Jao, ich veel op idder sjoeën gesjmikte sjoët....
maar de vlinders zien al lang d'r tösse-oët.



Miene Prins

Gezônge door : July en de Muppe

Teks : Els Boonen

Plaats : Hoensbroek

Componis : July Vijgen

Refrein

Es miene leefste 'ns einmaol Prins waar
Wat zouw ich dan gelukkig zin!
Mer hae pas neet in 't pak
En d'r sjtieëk zit 'm te sjtrak
Mer d'r Prinsewien dae is vuur'm gemak
En dae sjmak!
Es miene leefste 'ns einmaal Prins waar
Wat zouw ich dan gelukkig zin.

Couplet

Es kink keek ich mit carneval
allein mer nao d'r Prins
Um zoeë gans nao d'r bie te zin
Waor miene groeëtste wunsj
Ich leep sjtoep op, ich leep sjtoep aaf
D'r optoch op en neer
Och, winkde hae noe 'ns nao mich
Mit zien Prinsemutsj en veer.
Miene wunsj, miene wunsj, miene wunsj
'nne Prins, 'nne Prins, 'nne Prins.

Mien hart is vuur d'r sjoeënste Prins
'n prachtig werm palies
Ich gaef 't aan nemesj angesj weg
Nog neet vuur ginne pries!
Allein d'r Prins kriet plaatsj dao in
Die ganse drie daag lang
Och kos ich toch 'ns bie 'm zin
Dat is al wat ich verlang!
Miene wunsj, miene wunsj, miene wunsj,
'nne Prins, 'nne Prins, 'nne Prins.



Gelache!!!

Gezônge door : Mirjam van Elderen-Alders,
Bernie Billekens, Petro en Mark Janssen
Tekst : Wim Roeffen

Plaats : Venlo

Componis : Wim Roeffen

Refrein

Maar..... waat..... heb ik gisteraovend toch gelache,
Gelache.....gelache
Waat heb ik gisteraovend toch gelache
Maar vroeg mich neet waarom.
Ik weit nog waal, de ganse zaal,
Had zoëgezag de slappe lach.
Waat....heb ik gisteraovend toch gelache.
Maar 'k-weit ech neet waarom.

Vers

Wie ik vanmôrge wakker woort, de slaop nog lang neet oét
Keek ik ens in de speegel, en zoog mien eige snoét.
Det waas neet zoë biezônder, maar waat waas ut geval?
Dae lach van gisteraovend, dae zoot nog euveral:

Vers

Ein lid van de gemeinteraod, dae kôs d'r maar neet beej,
Det eine zoot te naöle, dae zelf noëts waat deej.
Hae kôs ut toen neet laote, en zat um flink veur paol,
De raod meus toen zoë lache, die reepe allemaol:

Vers

Lets heb ik toch waat meigemak, ik wis neet waat ik hoort
Al waas ut gans gelaoge, ik gluífde idder woord.
Dae mins dae det vertelde, waas waal neet gans good wiës
'k-Kreeg traone in mien auge, maar lachde mich de miës:



Operetteketet

Gezônge door : de Batsekratzers

Teks : Arno Op den Camp

Plaats : Susteren

Componis : Arno Op den Camp

Refrein

O—peretteketet

O-O-O-peretteketet

Couplet

Veer hõbbe sinds ein waek of twieë 'nne nuuje dirigent
Da's eine oet 't Noorde, dae de karnaval neet kent
Hae vundj os blaoze 'knetter'gek, hae zaet retteketed
Dus mot van häöm de ganse klup, aan de operet'
Noe kent get angesj eigelik gein kaod
mer hae tik neet ummer richtig in de maot

Dus repetere veer ein Polonaise van Chopin
En vraoge veer get platters, jao, dan zaet 'r ummer "nae!"
Dan nog mer eine aria en eine Weense wals
Hae reup dan door 't sjepele haer, "de fluite fluite vals!"
Ze wille 'm neet bie de wieze raod
Want hae tik neet ummer richtig in de maot



Geef miech mer hoempapa !

Gezônge door : Jef Verheijde
Teks : Suzanne Faulhaber

Plaats : Maastricht
Componis : Raymond de Pauw

Refrein Geef miech mer hoempapa
Nao al dee gloria
Geef mer drei daog laank deen tralala
Es iech dat huur bin iech verkoch
Daan spring iech looker in de loch
Geef miech mer hoempapa
Nao al dee gloria
Noe wèl iech drei daog vaan deen tralala
Want de Vastelaovend huurt bei miech
Wie de sjmink op mie geziech!

Couplet 1 't Is d'n dèksel op e pötsje
't Is meziek bei e gediech
't Is de sókker op e nonnevötsje
Vaanaof Nuijjaor brandt die vlam in miech...

Couplet 2 't Is de sjoemkraag vaan e beerke
't Is dee lach op e geziech
't Is nog liechter es 't liechste veerke
Vaanaof Nuijjaor brandt die vlam in miech...



UT EI !

Gezônge door : De Toddezek
Tekst : Rene Verschueren

Plaats : Grubbenvorst
Componis : Rene Verschueren

Refrein

Wae bak mich en ei
Met wae gaon weej nag mei
Wae haet d'r thoës
nag op ut kelderschaap
En hörtje vol met eier staon
vur ut gemaak
Wae bak mich en ei
Met wae gaon weej nag mei
Wae haet de pan
al in dun aanslaag staon
Wae bak mich en ei
Wae zurg d'r vur dae vastenaovesbaom
Wae bak mich en ei

Couplet 1

As de zondig morge
De vastenaovend kleurt
Weit ik det dun daag
Vur mich nag langer deurt
Mar langer is vur mich
Nag lang ni lang genôg
Dus kroëp ik as ut ken
Nag lang ni in dun bôch
Ut liëk wal of d'r genne tiëd besteit
Wiësdet beej mich dun eierwekker geit

Couplet 2

As de woensdig morge
En end mak aan dreej daag
Weit ik det vur mich
Ut fies wir is geslaag
Det zalige gevoel
Mar eine kiër per jaor
Och ging det toch nog mar
En paar minute door
Ut liëk wal of d'r genne tiëd besteit
Wiësdet beej mich dun eierwekker geit



Wie zuus doe oet

Gezônge door : Cyrille Niel
Tekst : Sjohn Smeets

Plaats : Sittard
Componis : Gian Prince

Refrein

Mer jông wie zuus doe oet?
Wat hōbste dich wei'r aangerete.
Mer jông wie zuus doe oet?
Zo wurste hiej veur gek versjlete.
De jas te klein de bōks te kort pellette van twee kwes
De patsj te groot, de klōmpe aan och sjwieg mer van de res,
(mer jông dat is toch neit normaal, dat is ouch sjiet egaal)

COUPLET 1 De vastelaovend is zoo sjoon,
Jao,ich wil mich get aan gaon doon,
Ich sjanap mich opa ziene jas,
Plek lēnks en rechs 'ne verfkwas,
En noe nog get waat laeve maak,
Want dat haet hiej jedere sjnaak.
Noe kiek toch ēns, dat geit te wiet,
Ein trāöt gemaak van kachelpiep.

Dat is toch neit normaal, doe löps hiej veur sjandaal

COUPLET 2 Mien sjerp dat is ein taofelkleid,
Dat broekde mam al jaore neit,
De bōks, jao dat zit ouch neit mit
Die haet ein piep te kort geknip
Ein mötsj vol bloume ram versjlak,
Die mich euver de oore zak.
Mer noe wurt 't toch ech te gek
Ein sjōp es tamboermaetersjtek.

Dat is toch neit normaal, doe löps hiej veur sjandaal.....



De waeg op heim aan

Gezônge door : De Drie Geliënde
Tekst : Maurice Pluijmakers

Plaats : Hulsberg
Componis : Jos Gijzen

Refrein Wo-s doe ummer get mit höbs en dich kièr op kièr verlòps;
dat is de waeg op heim aan.
Dao wo-s doe allein verdwaals en d'n tol zoa duur betaals;
dat is de waeg op heim aan.
Door d'n daag dan löps te 'm in een mum van tied,
meh 't sjnachs dan bis te gouw 'n paar oer kwiet.
Wo-s doe 's anderendaags van wèts, da-s te op de blaore zits,
dat is de waeg op heim aan.

Couplet 1 Ich loup al enne ganse tied te dwale door de nach.
Ich bin de waeg op heim aan kwiet, dem höbbe ze verlag.
Dat houwe ze mich toch waal 'ns maoge zègke,
In plaats van miene waeg mer om te lègke.
Dao lièt emes d'n hónd oet, ich vraog dem wie 't zit.
Dae miensj dae deilt mich ónversjókke mit:

Couplet 2 Ich raap mich weer biejein en dink aan wie 't sjpraekwoord geit:
dat zaet dat d'r toch miè es eine waeg nao Roame leit.
Wae dat bedach haet, dat is 'ne sjoane;
ich wil nao miene sjat en neet nao Roame.
Ich laot ouch miene hónd oet, dao in die däöhèk.
Meh jónges, doa sjteit tankeldraad mit sjrik!



De Kriebels

Gezônge door : Bram en Ruud
Tekst : Frans Pollux

Plaats : Venlo
Componis : Frans Pollux

Refrein

't Kriebelt, ik wiebel
Ik klazel-dazel-razel op mien bein
't Kriebelt, ik wiebel
Ik prazel-hazel-wazel wat beejein
Die winterse vlinders
in d'n boék waer ik pas kwiét
As ik nao de boétegewoëneboétezittingend'noptochendeboérebroélof
in d'n hiéring biét
Jao, dan bin ik alle kriebelsallevlindersenmienpenningeenpieke
en de ganse film kwiét
(slot:)
Jao, dan bin ik alle
Kriebelsallevlindersenmienpenningeenpiekendenprinsenadjudanteende
waagesoétd'noptoch
en de ganse film kwiét

Couplet

Waeke zit ik idd'ren daag te haope
Det ik 'snachs in bed weer gewoën kin slaope
Maar ik lig allein maar wat te dreije
'k Weit neet wie ik mich môt gaon verkleije
En of ik de nije leedjes kin
En of ik d'r mit de vastelaovend nog waal bin!

Couplet

"Dokter," zag ik, "doot wat aan 't jeuke!"
"Krats mich heej en gank mich ônderzeuke!
Kriebelt 't door allemaol det drinke,
of jeuk 't mich umdet ik vuuël doon dinke?"
"Wazel," zag d'n dokter, "wetse waat?"
Ik gaef dich op recep de nejste vastelaovesplaat!"

Couplet

Allemaol mien naegel zien gespleete
Want ik heb 't ganse jaor gebeete
En mien eksteroug det bliéf 'nt staeke
'k St-st-st-st-stotter beej 't spraeke
Och, ik kôs die kriebels bes d'n baas
As ik neet de gansen tiéd zoë zenuwechtig waas



Drök, drök, drök

Gezônge door : La Bamba
Tekst : Ron Roemen

Plaats : Montfort
Componis : Gian Prince

Refrein Ich höb 't drök drök drök, ich höb 't drök drök drök
Ich sjenkel mich vanne zök
Ich höb 't drök drök drök, ich höb 't drök drök drök
In die polonais, ich weit neet mieër wie dök
Ich gaon nao Venlo, Zitterd, Heële en Mestreech
Nao Gulpe, Wieërt, Remunj, nao Mofert, Kirchroa en nao Beeg
Ich höb 't drök drök drök, ich höb 't drök drök drök
Ich amezeer mich vanne morges toet de aovendj
Ich höb 't drök drök drök, ich höb 't drök drök drök
Ich bön 'n Limburgs kindj dus haaj van vastelaovendj

Couplet 1 De Blauw Sjuut die veurt weer oet dus ich staon langs de kantj
Ich bön ouch peraat in Mofert es d'n Uul weer wuuerd verbrantj
Appelesienesmiete in Zitterd? Jao ouch dao bön ich d'rbie
Den door nao de mert in Gulpe, mit zien alle zie aan zie
Witj geer wo 't mich aan sjort? Aan tied! Want dae kom ich tekort

Couplet 2 't Bacchusdriev, sjiek man, det is in Remunj
Mer lang kin ich neet blieve, des eigelik toch zunj
't Toet- en Blaosfieëst is al aanne gang dus richting Wieërt
De Hoj-Geet oplaote, ouch det is neet verkieërd
Witj geer wo 't mich aan sjort? Aan tied! Want dae kom ich tekort

Couplet 3 Netuurlik 'n paar uurkes nao de Zoepkoel haer
't Kloone Konkoeer in Kirchroa det zeen ich toch zoea gaer
Ouch wil ich dit jaor zeker oppe zonjig nao Mestreech
De heks die mot omhoeag, dus gaon ich effe snel nao Beeg
Witj geer wo 't mich aan sjort? Aan tied! Want dae kom ich tekort



2007: Ein jaörke BL-er

En dao steisse dan. "de winnaars van het LVK zien de Toddezèk met "heej bliëf ik plekke". De zaal en de minse thoes hajje det gluij ik nag ierder door as weej zelluf. Wat begint met en liedje ff snel op ut letste moment, blijk dan inens de schlager van de ganse provincie te zien.

Netuurlik haopse in ut veurtraject nao ut LVK toe wal en bietje van, ut zal toch ni zoe ziën, of misschien druimse dao stiekum van.....mar toch.

Det en liedje zoevuul impekt ken hebbe op zoevuul minse. Prachtig.

En dan geliek nao ut LVK truuk nao ut Plaggeriëk nao kefee 't stammineke wao ut liek of zo'n bietje half grubbevors verzameld is; ech, kiepevel wies op de kont en gewoen trots, gruëts en manjefiek det weej dit mei meuge make.

En van die kiepevel momente kwaa-me d'r nag miër.

Door de ganse provincie haer. Optraeje. En ze zinge ut liedje ok nag euveral mei!!!

Tiendoezend man op en plein die het "plekke" gewoen doorzinge asse stops.

In optochte wuurt ut gebroek, joekskepelle, interviews, 't gouvernement ni normaal ... mar wal ech te gek.

Weej wille dan ok van dees gelaegenheid gebroek make um ôg, vastenaovesgekke, netuurlik allemaol hartstikke te bedanke vur ut werme limbobad, wao weej ut aafgelaupe jaor as toddezèk in hebbe meuge ligge.

Weej hebbe d'r van genaote, en we haope geej ok.

Tot slot winse weej ôg en super LVK-aovend toe en netuurlik enne sjwoengvolle vaste-naovend !

Det ge lang meug bliëve plekke!

We zeen ôs

De Toddezèk

PS Wae bak os en ei ?





Euverzich Winnaars 't Limburgs Vastelaovesleedjes Konkoeer

JAOR	PLAATS	TITEL / TEKSDICHTER	COMPENIS
1977	Mestreech	Vaan Eysde tot de Mokerhei , B. Salden	J. Innemee
1978	Oppe Reuver	De zaagte geej , A. Wassen	J. Theelen
1979	Gelaen	Dan kal ich plat , B. Erkens/T.Arts	B. Erkens/T. Arts
1980	Zitterd	De beierheering , H. Wijnands	H. Wijnands
1981	Remunj	De vastelaovend heurt bie Limburg , N. Reijners	N. Reijners
1982	Guttecoven	Zoa moosj 't kènne blieve , G. Steinen/J. Wauben	G. Steinen/ G. Wauben
1983	Gelaen	Mie Limburgs blood , M. Zijlstra-de Loo	B. Erkens
1984	Meerssen	Dao moste mèt ljerre léve , L. Volders	L. Volders
1985	Gelaen	Hawt 'm vas de vastelaovend , J. Ridderbeekx	B. Dijks
1986	Mestreech	Jao heij in Limburg , J. Duchateau	J. Duchateau
1987	Linne	Wiebölle , P. Evers	J. Evers
1988	Venlo	Minse wie weej , F. Boermans	G. Aerts
1989	Venlo	De knappe(rikke) , F. Boermans/G. Aerts	F. Boermans/G. Aerts
1990	Gelaen	Ich tik neet richtig , M. Zijlstra-de Loo	B. Erkens
1991	Venlo	Det is ein joekskepel op joets , S. Maaskant	J. Jacobs
1992	Venlo	Waat hebbe we 't toch good , F. Boermans/G. Aerts	F. Boermans/ G. Aerts
1993	Tegelen	'nne Late , P. van den Akker	P. van den Akker
1994	Venlo	Heej of dao , G. Aerts	G. Aerts
1995	Horst	De ganse santekraom , C. Kuipers	T. Kleeven
1996	Mestreech	Drejje !! , U. & B. Garnier	U. & B. Garnier
1997	Venlo	Had ik maar , F. Boermans	J. Gubbels
1998	Ulesjtraote	Opzie, Opzie, Opzie , G. Jacobs	G. Jacobs
1999	Mestreech	Iech höb diech weer gevounde ! Bert & Ursula Garnier	Bert & Ursula Garnier
2000	Venlo	Josefien , Wim Roeffen & Frans Boermans	W. Roeffen
2001	Ruiver	Good geammezeerd , Ar(nol)d Wassen	Ar(nol)d Wassen
2002	Gulpen	Wie d'r Herrgot Limburg had gemaak . . . Ben Erkens	Ben Erkens
2003	Venlo	Dèh dan, dao isse Peter Jansen en Wim Janssen	Peter Jansen Wim Janssen
2004	Heële	Tweemaal aafgezeëg (en nog te kót) Paul Münstermann en Leo Keularts	P. Münstermann L. Keularts



JAOR	PLAATS	TITEL / TEKSDICHTER	COMPENIS
2005	Bor	Wat zaeter?! Paul Heffels, Frank Dullens, Ben Erkens	Ben Erkens
2006	Lömmerig	Dat zit bie ons in de familie Guus Steinen	Guus Steinen
2007	Grubbenvorst	Heej bliëf ik plekke René Verschueren	René Verschueren

Vaan Eijsde tot de Mookerhei 1976-2008

Waarde vrienden van het waarachtige vastelaovesleed,

Wat zongen wij met vastelaovend 1976? "Willempie", "Als het gras twee kon-tjes hoog is" en "Unne spijker in munne kop". In 1977 moesten we "Zo slank zijn als je dochter" nog dulden en het kalenderlied van The DutchRythm & Steel Band, maar Felix Meurders draaide in Hilversum uitsluitend "Vaan Eijsde tot de Mookerhei" met uitroepen als 'Dát is echt carnavalsmuziek!' Een en twee jaar later reed een busje Limburgse artiesten naar Hilversum om er het échte carnavalslied te zingen: "Dan kal ich plat", "Zék sjat", "Doe erme papa", enzovoort. Tweemaal werd vervolgens een Limburgse carnavalshit een nationale zomerhit: "Sollicitere" (Janse Bagge Bend) en "Sjeng aon de Geng" (Frans Theunisz).

Anno 2008 horen we het Limburgse carnavalslied niet meer in Hilversum, maar wat maakt het uit? Wij hebben Hilversum niet nodig en wie het in Limburg waagt een "Hollands" carnavalslied door de luidsprekers te jagen, jaagt zijn klanten al net zo hard naar buiten.

Het Limburgs Vastelaovesleedjes Konkoer heeft veel bereikt. We hebben, allemaal samen, een buffer opgebouwd van oorspronkelijke Limburgse liedjes met inhoud, die vele jaren meegaan."

De moderne tijd speelt ons daarbij in de kaart. Van vrijwel elk Limburgs lied zijn de woorden meteen beschikbaar op internet (www.limburgzingt.nl), terwijl al dan niet legaal de meeste nummers ook meteen kunnen worden gedownload. Dat laatste is dan weer jammer: de deelnemers aan het LVK investeren zelf (al dan niet samen met hun platenfirma's) in de geluidsbanden die ze opnemen voor hun deelname. De enige wijze om iets van die investering terug te verdienen zijn de ontvangsten van cd-verkopen en legale downloads. Laten we de winnaars en de andere deelnemers niet alleen de eer gunnen, maar ook een kleine financiële steun in de rug. Zij verdienen het, letterlijk en figuurlijk! Ik wens u een betoverend LVK en een fantastische winnaar.

Bert Salden,

Medeoprichter LVK (1976), Winnaar 1^e LVK (1977) Bert Salden/Jean Innemee



Overige sponsors CV Dun Ézelskop Sevenum:

Party- en Zalencentrum De Wingerd - Sevenum

Free Style Haarmode Cay Kleeven - Horst

Scope - Blerick

Thissen Installatietechniek BV - Venlo

Beusmans & Jansen Onderzoek & Advies
in Ruimtelijke Ordening - Sevenum

Campingcentrale Gebroeders Janssen - Sevenum

AST Afbouwsystemen - Tegelen

Schilderwerken Wiel Dirckx - Sevenum

Gebroeders van de Laar - Blerick

Munckhof Groep - Horst

Phicoop Shoppingcenter - Sevenum

Van Lieshout Nieuwsmedia - Horst

Horecacentrum De Sevewaeg - Sevenum

